

75

25. nóv.

L Ö G

um breyting á lögum nr. 73 19. júní 1933, um bann við okri, dráttarvexti o. fl.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

2. gr. laga nr. 73 19. júní 1933, um bann við okri, dráttarvexti o. fl., orðist svo:

Ef skuld er tryggð með veði í fasteign eða handveði, skal frjálst að taka af henni í ársvexti allt að 6 af hundraði. Nú áskilur Landsbanki Íslands sér hærri vexti af slíkum lánum, og er þá öðrum einnig heimilt að semja um hærri ársvexti en 6 af hundraði, þó ekki yfir 7 af hundraði. Aldrei má samt semja um hærri vexti samkvæmt þessari heimild en Landsbanki Íslands reiknar sér á sama tíma.

2. gr.

Lög þessi öðlast þegar gildi.

Gjört í Reykjavík, 25. nóvember 1952.

Ásgeir Ásgeirsson.

(L. S.)

Björn Ólafsson.

76

26. nóv.

L Ö G

um breyting á lögum nr. 13 16. marz 1949, um vöruhappdrætti fyrir Samband íslenzkra berklasjúklinga.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

A-liður 1. gr. laganna orðast svo:

Hlutatalan má ekki fara fram úr fimmtíu þúsund, er skiptist í 12 flokka á ári hverju, og skal dráttur fara fram fyrir einn flokk 10. janúar ár hvert og síðan 5. dag hvers mánaðar.

2. gr.

C-liður 1. gr. laganna orðast svo:

Vinningar skulu vera að verðmæti samtals að minnsta kosti 40% af iðgjöldunum samantöldum í öllum 12 flokkum.

3. gr.

Á eftir 1. gr. laganna kemur ný grein, er orðast svo:

Vinningar í vöruhappdrætti fyrir Samband íslenzkra berklasjúklinga skulu undanþegnir hvers konar opinberum gjöldum, öðrum en eignarskatti, á því ári, sem þeir falla til útborgunar.

Lög þessi öðlast þegar gildi.

4. gr.

76

26. nóv.

Gjört í Reykjavík, 26. nóvember 1952.

Ásgeir Ásgeirsson.

(L. S.)

Eysteinn Jónsson.

AUGLÝSING

77

29. nóv.

um viðskiptasamkomulag og greiðslusamning milli Íslands og Austurríkis.

Hinn 6. júní síðastliðinn fór fram í Vínarborg bráðabirgðaundirskrift bókunar um viðskipti milli Íslands og Austurríkis. Endanleg undirskrift undir bókun þessa, sem hér fer á eftir í íslenskri þýðingu, fór fram í Vínarborg hinn 22. september 1952.

Bókun um árangur viðræðna, sem fram fóru í Vínarborg í maímánuði 1952, milli íslenzkrar og austurrískrar samninganefndar:

1. Austurríska samninganefndin hefur látið íslenzku samninganefndinni í té upplýsingar um þær austurrískar vörur, sem til greina kemur að flytja út til Íslands.

Jafnframt var tilgreint af Austurríkis hálfu með andvirði hvaða útflutningsvara skuli greiða innfluttan fisk af íslenzkum uppruna, þegar þar að lútandi umsóknir austurrískra innflytjenda eru fyrir hendi.

2. Hlutaðeigandi íslenzk stjórnvöld skulu, að svo miklu leyti sem mögulegt er hverju sinni, taka til greina umsóknir íslenzkra innflytjenda um innflutning vara af austurrískum uppruna.

3. Stjórnvöld beggja ríkjanna skulu innan ramma gildandi lagaákvæða veita inn- og útflutningsleyfi fyrir vörum samkvæmt neðangreindum vörukvótum:

Innflutningur til Íslands:

um 10 000 smál. köfnunarefnisáburðar.

Innflutningur til Austurríkis:

um 4 500 smál. fiskimjöls.

4. Samkomulag er um, að jafnvægi skuli haldast á samningsárinu að því, er snertir viðskipti samkvæmt ofangreindum vörukvótum.

Samþykkt var að fela þjóðbönkum beggja ríkjanna að koma skipan á hin gagnkvæmu greiðsluviðskipti með bréfaskiptum, sem háð skulu samþykki beggja ríkisstjórnanna.

5. Bókun þessi gengur í gildi, er báðar ríkisstjórnirnar hafa staðfest hana, og gildir í eitt ár frá undirskriftardegi.

Gjört í Vínarborg, 22. september 1952.

Fyrir hönd

Sambandsstjórnar Austurríkis:

Gruber.

(sign.)

Fyrir hönd

ríkisstjórnar Íslands:

P. Szenkovits.

(sign.)